

Kev Kuaj Pom Muaj Mob:

Kev Ceeb Toom Txog Yam Kuaj Pom Ntawm Qhov Kev Kuaj Xyuas Qauv Ntshav

Khoos Kas Kuaj Xyuas
Menyuam Mos Hauv
Minnesota



Absent/Reduced GALT, Family Fact Sheet—Hmong

Kev Tsis Muaj Galactose1-Phosphate Uridyltransferase (GALT)/Muaj Tsawg

Pom muaj dab tsi saum qhov kev kuaj xyuas menyuam mos?

Qhov kev kuaj xyuas menyuam mos uas sau tau thaum yug tau los tau pom tias koj tus menyuam tsis muaj lossis muaj enzyme tsawg uas hu ua galactose-1-phosphate uridyltransferase (GALT).

Qhov no txhais tau li cas?

Kev tsis muaj lossis muaj GALT tsawg tuaj yeem qhia tau tias tej zaum koj tus menyuam yuav muaj tus kab mob galactosemia. Qhov kev kuaj pom muaj mob tsis tau txhais hais tias koj tus menyuam yuav muaj tus kab mob galactosemia, tab sis yuav tsum tau kuaj ntxiv kom paub tseeb.

Yuav muaj dab tsi tshwm sim txuas ntxiv mus?

Koj tus menyuam tus kws kho mob yuav pab npaj rau kev kuaj ntxiv nrog cov kws kho mob tshwj xeeb uas paub zoo txog tus kab mob galactosemia. Cov kws kho mob tshwj xeeb yuav xav ntsib koj tus menyuam kom sai npaum li sai tau kom tau txais kev kuaj saib.

Ntxim li cov kws kho mob tshwj xeeb yuav xav hloov koj tus menyuam mus rau tus qauv mis kua taum vim cov qauv mis niam thiab mis nyuj tuaj yeem ua rau muaj teeb meem kev noj qab haus huv rau cov menyuam uas muaj tus kab mob galactosemia uas zoo sib thooj yog.

Tus kab mob galactosemia uas zoo sib thooj yog dab tsi?

Tus kab mob galactosemia uas zoo sib thooj yog ib tug mob uas muaj nyob rau ntawm tus menyuam thaum yug los uas yog lub cev tsis muaj xwm siv tau cov piam thaj kua mis uas hu ua galactose. Galactose yog los ntawm cov khoom noj los, uas xam muaj txhua yam mis, txhua yam khoom uas siv mis nyuj ua, thiab ntau yam qauv mis menyuam mos. Lo lus hais tias 'galactosemia' txhais tau tias muaj galactose ntau dhau nyob rau hauv cov ntshav.

Nws yuav tuaj yeem ua rau muaj teeb meem kev noj qab haus huv dab tsi?

Galactosemia uas zoo sib thooj yog ib tug mob uas nyob mus tas ib txhis. Yog tias pheej tsis kho, ces nws tuaj yeem ua rau:

- Muaj kev noj tsis zoo thiab qhov hnayav nce tsis taus
- Tsis muaj zog
- Daj ntseg (tawv nqaij daj lossis ob lub qhov muag dawb)
- Lub siab muaj kev puas tsuaj
- Lub hlwb muaj kev puas tsuaj
- Muaj kab mob ntau dhau (sepsis) uas tuaj yeem ua rau muaj kev phom sij rau lub neej txoj sia

Cov menyuam uas muaj tus kab mob galactosemia zoo sib thooj tuaj yeem tau txais txiaj ntsig los ntawm kev kho sai thiab kev ceev faj.

Cov kev xaiv ntawm kev kho mob yog muaj dab tsi?

Txawm hais tias tus kab mob galactosemia zoo sib thooj yog yam uas tsis tuaj yeem kho kom zoo tu qab tau los yeej tuaj yeem kho tau qee yam. Hom kev kho mob uas muaj ntau tshaj plaws yog ib hom kev hloov hauv kev noj haus mus rau kev zam txhua yam khoom uas siv mis nyuj ua. Yog tias muab kho ua ntej yuav muaj cov yam ntxwv mob, ces cov menyuam tuaj yeem muaj kev loj hlob thiab kev paub tab yam muaj dag zog.

Cov menyuam uas muaj tus kab mob galactosemia zoo sib thooj yuav tsum mus ntsib lawv tus kws kho mob ib txwm thiab tus kws kho mob tshwj xeeb sab kev ua kom khoom noj yaj tau.

Cov Kev Pab Txhawb

Ntaub Ntawv Pov Thawj Tom
Tsev Hais Txog Caj Ceg:
<http://ghr.nlm.nih.gov>

Cawm Menyuam Mos Raws Kev Pab Kuaj Xyuas:
www.savebabies.org

Tus Me Nyuam Mos Qhov
Kev Kuaj Thawj Zaug:
www.babysfirsttest.org